

釋氏疑年錄

陳垣撰

陳 埤 撰

釋氏疑年錄

中華書局

釋氏疑年錄

小引

往閱僧傳，見有卒年可紀者輒記之，閱他書有僧家年牘亦記之，積久遂盈卷帙。顧同一僧也，而有記載之殊，同一傳也，而有版本之異，達磨卒年有五說，玄奘年歲有四說，所見愈廣，糾紛愈煩，悔不株守一編爲省事也。然既見之，則不能置之，故又每以考證其異同爲樂，同則取其古，異則求其是，譖者訂之，疑者辨之，辨論既定，遇有佳證，仍復易之，如是一人恆用三四出處，不敢冀無誤，亦冀少誤云爾。始於康僧會，會以前至者無確年可紀也，終於清初，以生於明者爲限也。按生年編錄，無生年或年過一百三十未可遽信者，則略以卒年爲次，生卒年俱闕者，雖有歲數弗錄也。凡得二千八百人，分十二卷，顏曰釋氏疑年錄。今年三月，丹徒尹石公居士見而善之，謂可流布，並贈我影印金山諸舊志，乃量爲採掇，以付剞劂。惜寒齋藏書本少，釋典尤闕，變亂以後，半束高閣，甚或以

易米煤，平時瓶借往還，人事既遷，此樂亦不可復得，今欲從事覆勘，已感困難，遑言補益，網羅不盡，良用慊然，然子不云乎，「舉爾所知，爾所不知，人其舍諸」，本此雅言，可以藏吾拙矣。

一九三八年十月，新會陳垣識於北平勵耘書屋。

釋氏疑年錄凡例

一、僧人同名者多，故名上悉冠地名、寺名，此僧傳例也。宋、元而後，僧輒有號，或以號綴名上，如覺範洪，或以號綴名下，如洪覺範，今悉以號綴名上。

二、清初僧派甚繁，或從剃度師出，或從得法師出，既略去排行，輒不復知名上爲何字，今悉從原著，非有確據不臆加也。

三、此錄時歷千年，地名屢易，加以文人著述恆用異名，欲求畫一難矣。然正爲其不畫一，可見出處之不同，如同一寺也，在梁傳稱京師，在唐傳則稱揚都，名從主人，自易識別。

四、生年借用西紀年月，比對未必悉符，取其便於排檢而已，若欲專考一人，尙須更求精密。

五、所引習見之書，類用簡稱，如梁高僧傳，以至近出新續高僧傳，均略去「高」字，開元釋教錄、景德傳燈錄等簡稱開元錄、景德錄，法苑珠林稱珠林，文苑英華稱英華，隆興佛

教編年通論稱隆興通論，元時新修科分六學僧傳稱六學僧傳，五燈會元續略稱五燈續略是也。

六、續高僧傳卷數各本不同，宋、元本三十一卷，明本四十卷，高麗本三十卷，今依宋、元本。

釋氏疑年錄總目

卷一	康僧會等二百二十四人	一
卷二	菩提達磨等一百三十四人	二
卷三	國清智顥等二百四十一人	三
卷四	慈恩玄奘等二百三十六人	六
卷五	清涼澄觀等二百六十一人	九
卷六	法眼文益等一百八十五人	三
卷七	明教契嵩等一百九十三人	四
卷八	覺範德洪等二百三十五人	三
卷九	萬松行秀等二百四十五人	二
卷十	楚石梵琦等二百三十八人	一
卷十一	雲棲祿宏等三百人	二

卷十二

四三

天然函昱等三百〇八人。末二卷因時近，所收較濫。然各家語錄、塔銘具在，自慚寡陋，僅見二三百種，遺者尙多也。

釋氏疑年錄卷一

吳建業建初寺康僧會 其先康居人。

晉太康元年（公元二八〇）卒。佛祖通載作咸寧五年卒，今據出三藏記集十三及梁僧傳一。

洛陽婁至山訶羅竭 慈陽人。高麗本作樊陽，珠林百十六亦引作慈陽。

晉元康八年（二九八）卒。梁僧傳十。

長安竺法護 其先月支人。

晉建興末卒，年七十八。出三藏記集及梁僧傳二云：「晉惠西奔，護避地東下，卒。」開元錄二云：「護於

懷、愍之世，仍更出經。」則當卒於愍帝末。

江左竺僧顯 北地傳氏。

東晉大興末卒。梁僧傳十一。

鄴中竺佛圖澄 西域人。

東晉永和四年戊申卒，年一百十七歲（二三二—三四八）。

釋氏通鑑誤作百七十歲，釋氏稽

古略、佛祖綱目等因之。今據梁僧傳九及珠林七十六引。

建康建初寺帛尸梨蜜

西域人。

東晉咸康中卒，年八十餘。

出三藏記集十三及梁僧傳一。

中山帛法橋

中山人。

後趙建武末、東晉永和中卒，年九十。

梁僧傳十三。

羅浮山單道開

燉煌孟氏。

東晉升平中卒，年百餘歲。

梁僧傳九。

剝隱岳山帛僧光

東晉太元末卒，年一百一十。

梁僧傳十一。

剝東仰山法深竺潛

瑣那王氏。

東晉寧康二年卒，年八十九（二八六——三七四）。

世說德行篇注作年七十九，今據梁僧傳四。

長安涉公

西域人。

苻秦建元十六年、東晉太元五年（三八〇）卒。

梁僧傳十。

始寧山竺法義

東晉太元五年卒，年七十四（三〇七——三八〇）。法華經顯應錄引靈瑞集作太和中卒，珠林百十
四、太平廣記百十引述異記作太元七年卒，今據梁僧傳四。

剡沃洲山道林支遁

陳留關氏。

東晉太和元年閏四月卒，年五十三（三一四——三六六）。釋氏稽古略云「太和二年，遁抗表
還山」，誤，今據梁僧傳四及世說傷逝篇、言語篇注。

長安五級寺道安

當山扶柳衛氏。

苻秦建元二十一年、東晉太元十年卒，年七十二（三一四——三八五）。太平廣記八九引梁
僧傳作太元元年卒，隆興通論、佛祖通載等作太元十四年卒，今據出三藏記集十五及梁僧傳五。又宋、元、明藏本
梁僧傳無年歲，今據高麗本及珠林二四、御覽六五五引。

荊州長沙寺法遇

東晉太元中卒，年六十一。梁僧傳五無卒年，今據名僧傳抄。

京師瓦官寺竺法汰

東莞人。

東晉太元十二年卒，年六十八（三二〇——三八七）。

梁僧傳五。

武陵平山慧元

河北人。

東晉太元十四年（三八九）卒。梁僧傳十三。

荊州上明寺曇微 河內人。宋本作曇微。

東晉太元二十年卒，年七十三（三二三——三九五）。梁僧傳五。

始豐赤城山竺曇猷 燉煌人。三寶感通錄下作帛道猷，釋氏通鑑因之。按，梁僧傳五竺道壹傳有帛道猷，山陰

馮氏，與此當另一人。

東晉太元末卒。釋氏通鑑於太元八年敍猷事，非謂其卒於是年也，稽古略乃作太元八年卒，神僧傳又誤作太和末卒，今據梁僧傳十一。

越城寺法相 河東梁氏。

於潛青山竺法曠 下邳鄧氏。
東晉元興末卒，年八十。三寶感通錄下作年九十，珠林二七引冥祥記作年八十九，今據梁僧傳十二。

長安弗若多羅 罽賓人。
姚秦弘始六年、東晉元興三年（四〇四）卒。梁僧傳二。

長沙寺曇戒 南陽卓氏。

東晉隆安中卒，年七十。梁僧傳五無卒年，今據名僧傳抄。

虎丘東山寺竺道壹

吳陸氏

東晉隆安中卒，年七十一。梁僧傳五。

廣漢閻興寺賢護

涼州孫氏

東晉隆安五年（四〇一）卒。梁僧傳十二。

荊州長沙寺曇翼

羌姚氏

東晉義熙中卒，年八十二。梁僧傳五無卒年，今據名僧傳抄。

山陰嘉祥寺慧虔

北地皇甫氏

東晉義熙中卒。梁僧傳五。

廬山慧永

河內潘氏。陳舜俞廬山記作繁氏。

東晉義熙十年卒，年八十三（三三二——四一四）。名僧傳抄作太元五年卒，今據梁僧傳六及珠林

百七引。

廬山慧恭

豫章豐城龔氏

東晉義熙十一年（四一五）卒。淨土往生傳上。

廬山慧遠

鴈門樓煩賈氏。

東晉義熙十二年卒，年八十三（三三四——四一六）。釋氏通鑑作義熙十一年卒，年八十四，王禕經行廬山記作義熙十二年卒，年八十二，廣弘明集謝靈運遠法師誄作義熙十三年卒，年八十四，今據梁僧傳六及出三藏記集十五、世說文學篇注張野遠法師銘。

蜀龍淵寺慧持

慧遠弟。

東晉義熙八年卒，年七十六（三三七——四一二）。梁僧傳六、宋、元、明藏本均作年八十六，是長於慧遠也。法門兄弟不論年歲，持與遠俗門兄弟也。陳舜俞廬山記作年七十一。今據高麗本梁僧傳及釋氏通鑑、佛祖統紀。

壽春石澗寺卑摩羅叉

罽賓人。

東晉義熙九年（四一三）後卒，年七十七。梁僧傳二無卒年，開元錄云在義熙中羅什既卒之後，今從之。

始豐赤城山支曇蘭

青州人。

東晉元熙中卒，年八十三。梁僧傳十一。

沙門統法果

趙郡人。

魏泰常中卒，年八十餘。釋氏通鑑於魏泰常四年敍法果事，非謂其卒於是年。稽古略乃作四年己未卒，年

八十三，今據魏書釋老志。

長安曇影

北人。

東晉義熙中卒，年七十。梁僧傳六。

京師枳園寺智嚴

西涼州人。

宋元嘉四年（四二七）後卒，年七十八。梁僧傳三。

長安大寺僧䂮

北池泥陽傳氏。

姚秦弘始末、東晉義熙中卒，年七十三。梁僧傳六。高麗本作年七十。

長安鳩摩羅什

天竺人。

姚秦弘始十五年、東晉義熙九年癸丑卒，年七十（三四四——四一三）。佛祖通載作隆安四年卒，未審何據。梁僧傳二作弘始十一年卒，開元錄云「弘始十四年末什仍未卒」，今據廣弘明集二三僧肇撰什

法師誄。

長安道恆

藍田人。

東晉義熙十三年卒，年七十二（三四六——四一七）。六學僧傳十一作年七十三，今據梁僧傳六。

道士支曇諦
康居人。

東晉義熙七年卒，年六十五（三四七——四一一）。廣弘明集二三晉丘道護撰誄。按，梁僧傳七，虎丘山曇諦亦康居人，宋元嘉末卒，傳稱諦善屬文，有集六卷，入吳興故章崑崙山二十餘載。誄亦稱諦善屬文，考室於吳興郡故鄣之崑山二十餘載。似屬一人，惟名僧傳目稱晉支曇諦，隋書經籍志支曇諦集列慧遠、僧肇之前，丘道護集亦附注於晉，諦既卒在丘前，其爲晉人可知。惟傳又稱諦會見僧䂮，䂮義熙中卒，呼諦爲童子。則與此疑另一人。二人之卒相距四十餘年，僧傳作一人，今另出宋曇諦於後。曹魏亦有曇諦，安息國人，高貴鄉公時譯羯磨一卷，見唐內典錄。

廬山曇恆

河東人。
釋氏通鑑避諱作曇常。

東晉義熙十四年卒，年七十二（三四七——四一八）。陳舜俞廬山記作年七十一，今據十八賢傳。
疑卽前文道恆，俟考。

吳臺寺道祖

吳人。

東晉元熙元年卒，年七十三（三四七——四一九）。梁僧傳六。高麗本作年七十二。

江西四層寺竺慧熾

新野人。

宋永初二年（四二一）卒。珠林一二三引冥祥記、廣記三二四引異苑。

江陵辛寺法顯

平陽武陽龔氏。

宋景平元年（四二三）以前卒。傳記無卒年，惟出三藏記集三彌沙塞律序錄云：「法顯以晉義熙十二年還都，衆經多譯，唯彌沙塞一部未及譯而亡，至宋景平元年佛大什出之。」梁僧傳三佛駛什傳同，是法顯卒於宋景平元年以前也。又，法顯年歲，出三藏記集十五作八十二，梁僧傳三作八十六，似皆不可據。出三藏記集云：「法顯二十受大戒，以晉隆安三年發長安。」是法顯出遊時不過二十餘，經十六年還都，不過四十，釋經數年卒，不過四十五六。梁僧傳於「受大戒」上刪「二十」兩字，出遊年歲不明。

江陵竹林寺曇順

黃龍人。

京師杯度

宋元嘉二年卒，年七十九（三四七——四二五）。梁僧傳六無卒年，今據十八賢傳。
宋元嘉三年（四二六）卒。梁僧傳十。

天衣飛雲曇翼

東晉義熙十三年卒，年七十（三四八——四一七）。法華經顯應錄上引珠林。

京師龍光寺竺道生

鉅鹿魏氏。

宋元嘉十一年卒，年八十（三五五——四三四）。宋慧琳撰誄及出三藏記集，梁僧傳均無年歲，釋氏